

仲及解到衛仍前受財方肯批迴似此擾民深爲不便乞
勅該部通行禁約如果正身逃亡殘疾餘丁果無其人果係同宗
戶籍方許發冊清勾戶丁補役不許挾讐妄報恐如此糜
此民不受害軍士缺伍

各處軍衛有司清解軍士不許朦朧勾擾月解平人并勒
要財物例

成化元年三月十一日兵部尚書王 筆

題爲申明軍政事職方清吏司案呈兵科抄出南京兵部尚書蕭
維禎等奏查得軍政條例內一款在京在外衛所官員多有
軍士事故不時在營人丁收補及將見役軍人因戶下不
供軍裝妄作事故造冊一槩勾擾今後清軍官員按
臨去處有告前項作弊行移查勘若有軍在衛又在營有丁
衛所朦朧造冊勾擾者將該官員具奏拿問已經通行遵
依外今照各該軍衛有司多不遵守有軍在營捏作逃亡事故武
軍精壯捏作有疾有陞官調衛而原充衛所不與分豁違
年發冊勾擾多有原逃回營已首着役該衛發役到其
有司又不拘其戶丁審勘有無人丁在營一槩通行起

解及至解到戶丁送衛其衛所官吏又不從公查審在營
有丁其結送回却乃非法用刑拷打監鎮勒要財物隨即
賣放而裡在逃者有因無錢送與逼抑逃回者有使令解來
戶丁回家取討盤纏又作在逃行勾者有先年分調北京
遠年發冊朦朧勾丁收發補伍者有丁久原籍丁盡
戶絕有司妄將同姓或平民冒解多因路遠缺食貧累軍
解伍逃病故不知下落者似此奸弊多端難以枚舉除南京
江陰等衛違例發冊及廣東惠州有長樂縣冒將民人
黃李受解補軍人黃秀浦名伍發事俱各參究外誠恐
該軍衛有司多有此弊

勅該部通行兩京并在外清軍監察御史嚴加禁約各該軍
衛今後有軍在役不許仍前捏故勾擾有司不許妄
將平民冒解充軍若不改前非仍襲舊弊以肅軍

發之日其經該官員在內所兵部叅送刑部徑自具奏拿問
在外聽清軍御史并按察司官照例叅問如此則軍士不
致有重勾之擾而小民亦得以安生矣具題奉

聖旨該部知道欽此欽遵抄出送司案呈到部照得各處軍衛有司
清解各解軍丁中間何者應該分豁俱有軍政條例并本衛
節次議奏事理奈何行之年久人不遵依奸弊多端難以悉數
今南京兵部尚書蕭維禎等所奏前因緣係申明軍政禁革
奸弊事理合無通行各處軍衛有司著落各該官吏今後清
解逃故等項軍士務要遵依軍政并本部節次議奏事理而
行其軍士見在者不許捏作逃亡精壯者不許捏作有疾陞官
并調衛等項應聞諮者即與查明轉送本部聞諮逃軍先已
發冊清勾已後原逃自首着役及故軍先已隨營人丁幼小不堪
補役曾經發問勾丁以後幼丁長大補役不缺者俱要總住

勿原籍起解戶丁到衛應役補役者不許勒要財物等項而過
其在逃不該就便發回 不許指稱幫貼軍裝而妄留隨
住其有原籍委的丁差戶絕者明白開報本部覆勘定奪毋
將平人朦朧冒交敢有故違不遵仍前作弊害人者許被害之
人赴告訴告又聽各該巡按并清軍御史與按察司清軍官員
体訪得實將作弊官吏人等應提問者就便提問如律例發
落應具

奏者具奏提問如此則奸弊以革人得安生具題奉
聖旨是欽此

該班官軍未到并拐馬不來者轉行巡按御史挨拿解問明
白送營罰半班半年例

成化元年七月二十四日兵部左侍郎王 等

題爲該班未到官軍事職方清吏司案呈節佳後軍都督府經
歷司手本奉本府案令准太保會昌侯孫繼宗等各據五
軍中軍等營把總都指揮僉事趙敬等呈開河南山東等都
司并南北直隸衛所操備官軍於天順八年九月初一日輪放回衛
取討衣鞋限成化元年三月初一日起京操備除已到衛外數
內臨清等衛官軍指揮許名等一千二百二十八員名至今未到
造冊呈乞挨拿等因據此將各營河南山東等都司并南北
直隸衛所天順八年二月初一日該班并衛所撥補不到官軍指
揮千百戶舒隆等造冊轉繳到部爲照前項不到官軍係是
緊閑聽調人數若令該衛挨解誠恐人情稔熟終無完報係干